



## **Universitätsbibliothek Paderborn**

### **Biennii Peripatetici**

Complectens Quæstiones Logicales Una Cum Institutionibus Dialecticis Ad  
Antiquorum Recentiorumque Mentem Resolutas, Nec Non Juxta Modernam  
Scholarum Peripateticarum Methodum Elaboratas & Explicatas

**Kretz, Marquard**

**Heripoli, 1749**

§. 3. Quomodò genus tum de speciebus, tum de individuis prædicetur?

[urn:nbn:de:hbz:466:1-52248](#)

262 DE UNIVERSALI IN SPECIE.

esset genus. *Si reponas.* Animal abstractum ab unico individuo hominis, reliquis tamen speciebus possibilibus, erit verè genus; ergo erit pariter genus, si ab unica specie possibili, reliquis impossibilitatis, abstrahatur. *R. N. Conf.* *Disp. est:* In priori casu animal æquivalenter abstrahitur, ab omnibus, à quibus abstrahi potest, & manet verè prædicabile de specie differentibus. Secùs est in casu posteriori.

302. *Obj. 2.* Unicà tantùm formâ physicâ possibili materia physica non amittit rationem materiæ & partis determinabilis; ergo nec genus amittet rationem generis & partis determinabilis, licet unica species foret possibilis. *R. N. Conf. Disp. est:* Materialitas, & determinabilitas materiæ sita est in hoc; quòd tanquam aliquid compleibile, physicè indifferens sit ad constituendum cum forma compositum, vel non: tota autem hæc ratio materiæ adhuc manet in casu posito. Econtrà ratio generis, & determinabilitas ejus consistit in eo; quòd sit aliquid magis commune, indifferens ad plures species, & per unam differentiam ad hanc speciem contrahibile, per aliam ad illam: quæ ratio generis, casu, quo Unica species foret possibilis, certè non maneret.

§. III.

*Quomodo genus tum de Speciebus, tum de individuis prædicetur?*

303. *Nota 1.* Genus considerari potest, vel prout complectitur genus & differentiam, & sic est Totum actuale. Vel quatenus in se po-

ten-

tentiâ continet species inferiores, tanquam partes subjectivas, & sic est *Totum potentiale*. vel prout cum comparet sua constituit actu speciem, & sic est *Pars actualis*; ut si animal consideretur, prout cum rationali actu constituit hominem. Si denique consideretur, prout potest constituere speciem, *Pars potentialis* dicitur.

304. *Nota 2.* Individua alia dicuntur *completa*, quae totam essentiam speciei, & individuationem exprimunt, v. g. *Petrus*, *hic leo*. Alia *incompleta* vocantur, quae exprimunt quidem individuationem, non tamen totam speciei essentiam, suntque prædicata vel generica, vel differentialia specierum, v. g. *Hoc animal*, *hoc rationale*. *Status questionis est* 1. Quomodo genus, dum de specie prædicatur, se habeat quoad denominations generi convenientes, & in notamine primo positas? 2. An genus de utrisque individuis prædicetur *immediatae*, vel *mediate*? An ut genus, an ut species?

305. *Dico 1.* Genus non prædicatur de specie ut pars *actualis*, sed ex communi loquendi modo prædicatur ut *totum potentiale*. *Ratio primi est*; quia nulla pars, ut *talis*, in recto prædicari potest de toto, cum nulla pars sit idem cum toto, sive illud ipsum, quod est toto; sed est tantum pars totius. *Ratio secundi est*; quia prædicatur ut quid superius, quod quidem actu partes suas non continet, habet tamen sub se inferiora, in quæ tanquam partes subjectivas dividi potest; sed quod sic prædicatur,

264 DE UNIVERSALI IN SPECIE.

dicatur, prædicatur ut totum potentiale; ergo.  
*Dixi: Ex communi loquendi modo; nolo enim per τὸ ὡς significare, quod prædicetur genus cum statu, quod in thesi de actuali prædicatione jam aliquoties negavi*

306. *Obj. 1.* Genus prædicatur ut pars materialis; ergo ut pars actualis. *R. D. Ant.* ut pars materialis actualis. *N.* ut pars materialis potentialis. *T.* Si enim velis, quod genus prædicetur ut pars potentialis, hoc sensu: quasi prædicatio generis de specie terminaretur *ad rationem formalem partis*, ut potest cum differentia componere speciem; tecum non sentio, qui per datam distinctionem aliud nihil intendo, quam prædicationem terminari ad partem *secundum se*, quæ exercitè potens sit cum differentia componere speciem. *Si ais:* Genus prædicatur in quid incompletè; ergo ut pars actualis. *R. D. Ant.* Prædicatur in quid incompletè quoad modum prædicandi. *N.* quoad rem prædicatam. *Subdist.* Si hæc consideretur, prout substat actuali prædicacioni. *N.* Si per cognitionem aliam cum differentia tanquam comparete suā, vel cum specie, quam constituit, comparetur. *C.* Genus quoad modum prædicandi prædicatur per modum totius, cùm prædicetur substantivè, & in actuali prædicatione de specie Universale maneat, ut probatum est in *Disp. præcedente*.

307. *Obj. 2.* Genus est Compositum actuale; ergo prædicatur ut totum actuale. *R. D. Conf.* Prædicatur ut totum actuale secundum se,

se, & respectu sui. C. respectu speciei. N.  
*Si quis*: Genus non complectitur omne id,  
quod habet species; ergo de specie non præ-  
dicatur ut totum. R. D. *Conf.* Non prædica-  
tur ut totum specificum. C. ut totum generi-  
cum, sine statu tamen. N.

308. *Dico* 2. De utrisque individuis genus  
prædicatur immediatè, de completis quidem  
ut genus; de incompletis autem ut species. *Ra-*  
*tio primi est*: quia genus immediatè abstrahi  
de utrisque individuis potest; ergo potest etiam  
immediatè de illis prædicari. *Prob. ant.* Pos-  
sum cognoscere in Petro vel Bucephalo *animal*,  
quin cognoscam *rationale*, vel *irrationale*. Item  
possum in individuis incompletis cognoscere v. g. *Animal*, quin cognoscam hæccei-  
tatem; ergo. *Confir.* *Animal* v. g. his indivi-  
duis immediatè inest; nam Petrus v. g. imme-  
diatè est homo, & consequenter etiam imme-  
diatè est id, quod est homo, scilicet *animal*  
*rationale*; ergo etiam immediatè de iis prædi-  
cari potest. *Ratio secundi est*: Illud prædica-  
tur ut genus, quod prædicatur de pluribus  
specie differentibus in quid; & illud prædica-  
tur ut species, quod prædicatur ut tota essen-  
tia subjecti; sed quando genus, v. g. *Animal*,  
prædicatur de individuis completis, v. g. Pe-  
tro & Bucephalo, prædicatur de pluribus spe-  
cie differentibus in quid; & quando prædica-  
tur v. g. *Animal* de individuis incompletis, si-  
ve de hoc & illo animali, prædicatur ut tota  
essentia subjecti; ergo genus de individuis

R 5

com.

## 266 DE UNIVERSALI IN SPECIE.

completis prædicatur ut genus; de incompletis autem ut species. Accedit, quod hoc & illud Animal, in ratione præcisa animalis, non differant specie, sed numero tantum; ergo genus de individuis incompletis prædicari nequit ut Genus.

309. Obj. 1. Inter genus & individua mediat species; ergo genus non prædicatur immediatè de individuis. R. D. Ant. Mediat in linea prædicamentali, & mediatione subsistendi consequentiâ. C. extra lineam, & mediatione subjecti. N. h. e. Dum dico: *Petrus est animal*, rò *animal* non subjectatur priùs in homine tanquam aliquo tertio, quo mediante subjectetur deinde in ipso Petro; sed Petrus est subjectum immediatum animalis. Propriètatem tamen animal non prædicatur de Petro immediatè *mediatione subsistendi consequentiâ*, cum animal non probetur immediatè per Petrum, sed alia consequentia intercedere debeat; Non enim solemus sic argumentari: *Petrus est*; ergo *animal est*. Sed sic: *Petrus est*; ergo *homo est*; ergo *animal est*. Si ait: Non datur transitus immediatus à gradu supremo ad infimum; ergo nec genus tanquam gradus supremus prædicari immediatè potest de individuo tanquam gradu infimo. R. D. Ant. In gradibus materialibus, & physicè distinctis C. in formalibus formaliter tantum distinctis N. Hujus autem ratio ulterior est, quia omnes gradus formales immediatè sunt in individuo, quod intrinsecè constituunt, & simul omnes im-

immediatè ab eo singularizantur; ergo etiam immediatè de eo prædicari possunt, cùm modus prædicandi sequatur modum essendi. Econtrà gradus materiales supremi non continentur in infimo.

310. Obj. 2. Genus definitur in ordine ad species, non ad individua; dicitur enim prædicabile de multis specie differentibus; ergo etiam prædicatur immediatè de speciebus tantum. R. N. Ant. Cùm individua quoque differre possint specie, ut Petrus & Bucephalus. Si ait: Sequeretur, genus non differre à specie; cùm speciei proprium sit prædicari de individuis completis. R. Adhuc satis differt, ut insipienti uiriisque definitionem satis patebit.

### ARTICULUS III.

#### *De secundo Universali, sive Specie,*

POrphyrius de specie sic orditur: *Species autem dicitur quidem & de unius cuiusque forma, quā significatio[n]e dici solet, præstantissimam formam dignam esse imperio. Dicitur autem & de eo, quod sub assignato genere collocatur.... Iusuper hoc etiam pacto species est id, quod de pluribus differentibus numero, hoc ipso quid est, prædicatur.* His triplicem insinuat speciei acceptio[n]em. Prima non est hujus loci, quare illam hic intactam relinquemus, unā cum specie, quae prætextum aut simulationem Logicis incongruam significat, de qua *Virg. lib. 2. Ennead.*